

Deo opt. max. uni & trino, Virgini Deiparæ, & sancto Luca orthodoxorum Medicorum Patrono. (1763) *Lavez 1465*

Q U Æ S T I O M E D I C A

Quodlibetariis disputationibus manè discutienda in Scholis Medicorum, die Jovis 18. Novembris.

M. URBANO LEAULTE', Doctore Medico, Præfide.

An qui fermentationis, ille & hominis Naturam nescit?

QUISQUIS aut Sapiencie studio aut Medicinæ operam dedit, humani corporis scientiâ gloriatur. Quidni? puderet cum videri seipsum nescire à quo nature totius cognitio expectatur. Sed quousque eorum est qui præter aut visus aut tactus potestatem in cære excurrisse agnoscat? Singularum corporis partium nomina vel merè Latina vel Græco detorta fonte magnifice proferuntur, sua cuique facultas attribuitur, usus assignatur, omnium causâ his illive qualitatibus, primis, secundis, tertiis, occultis accepta refertur, has inter honos præcipuus habetur calori qui in capite spiritus animales, vitales in corde, in ore, ventriculo, totâ alio infusâ naturales preparare, elaborare, perficere perhibetur. O laudem egregiam! O amplâ spolia! aut vanas opinionum species, velut ægri somnia, sibi in animum induxisse, aut dissolutionis labore improbo id unum detexisse quod vel nature rerum imperitissimus assequi possit. Hæc omnia aut non absurda aut etiam vera sunt, quisquis sibi in detegendâ hominis naturâ docti famam comparare volet, progredietur ulterius & per obstantes sciorum catervas sua explicans arma, naturæ sinui se immerget, ibi, quæ deceat Philosophum, latentem, Physicam & efficientem omnium humani corporis functionum causam sedulo indagaturus.

CORPORIS humani fabricam nosse non superficiam illam quidem sed intimam & cortice vel spississimo obvolutam alicujus pretii nec immerito haberi debet. Sed quantumlibet in ea quis versatus oculatusque sit, nihilo *φανερότερον* erit reputandus, dum variarum quibus constituitur motionum causam repererit, quam si quis contemnat, rerum quidem sensibus subiectarum haberi poterit eximius explorator, in humane vero nature scientiâ parum aut nihil promovisse merito estimabitur. Hanc ut quis obtineat, ipsa ei nature principia adeunda sunt, non queribet sed certa quedam. Horum triplex ordo potest constitui; Omnium prima & simplicissima atomi habentur, solâ mentis acie perceptibiles; secundum occupent locum quæ resolutionis Chymicæ auxilio detecta sunt: Postrema & compositissima terram, aquam, aerem, & ignem putato. Primorum contemplatione parum in disquirendâ hominis naturâ utilitatis percipitur, ut quæ ex exiguitate prædita sint quam nulla affectui valeat sensatio vel exquisitissima: Ultima jure etiam contemni possunt, mixtorum nature magis quam principiorum affiua: Te confer ad ea potius quæ simplicitatis moderationem habent, spiritum scilicet, sal, sulphur, aquam & terram in quæ corpora fere omnia ignis beneficio ultimò resolvuntur. Hæc invicem tenacissimè conglutinata pace altissima perficiuntur, datâ vero occasione explicata & sibi permitta pro iis quas gerunt inter se inimicitias & diversis ad motum huc illucve propensionibus mirum quâ sæpe exagitantur vehementiâ, quas turbas concitent, verbo dicam fermentationem exsuscitant, primam, præcipuam, & efficientem cum omnium nature operum, tum etiam humani corporis functionum causam.

FERMENTATIONIS Naturam ejusque ad explicanda Naturæ phænomena necessitatem aliunde quam ab Hippocratis scholâ repetere inane est. Ejus prima origo & remotissima ab atomis; hæ variis ornate figuris, specie determinatis, numero indefinitis & assiduo concitate motu, coacti inter se mutuo moles quasdam efformant exiguas, ægrè omnino & rarenter solubiles; ab his invicem conglutinatis spiritus, sulphur, sal, aqua & terra nascuntur, sensibilia rerum omnium principia. In horum unoquoque scorsim posito nulla unquam perturbatio observatur, ex quibus enim constant molecule homogene sunt & eandem ad motum propensionem ac determinationem habent. His vero simul compositis, præ nifu quo à se invicem separari nature sunt, assiduo coque diverso, seipsis interdum, aliâs fermenti alicujus extrinsecus occurrentis occasione datâ ad motum invitatur. Hic motus fermentatio appellatur. Discrepat ab effervescentiâ; hæc ad solas corporis mixti partes integrantes pertinet, Naturam ejus & essentiam non attingit, eamque duntaxat in eo immutationem creat quæ tactus aut visus judicio discerni & explorari possit; Illa motus est intestinum principiorum corporis naturalis quo nexus eorum & ordo immutatur. Si à se invicem omnino diffideant rem ipsam quam constituunt destrui, aliam oriri necesse est. Si quadatenus duntaxat, ea solum contingit alteratio quæ alter gustum & olfactum quam antea afficiat. Fermentationem nativæ aromorum & molecularum ex iis emergentium motui præcipue adscribendam non mediocriter adjuvat ea falsis species quæ aciditatis sensum excitare nata est; principis corporis cujlibet vel ad motum valde dispositis vel jam nonnihil exagitationis immixtis scilicet, particularum quibus constat acie longe acutissima ea rursus discerpit & à se invicem contentione non levi discriminat. Calculum ponet quam optimè, qui fermentationi his fontibus nata rerum omnium generationem durationem, iterum tribuerit; hominis quoque, in quo quidquid virtutis corpore animadvertitur, aut nesciri aut à fermentationis motu tanquam causâ primariâ, præcipuâ & efficiente repeti debere agnoscendum est.

NATURA omnis quanta quanta est fermentationis in rerum omnium productione vim & potestatem prædicat. Plântarum ei vegetatio, generatio animalium, lapidum, mineralium, metallorum debetur elaboratio. Atque hæc quidem probabile est, ex humido certâ quadam ratione fermentato & coaguli salivæ cujusdam fixi interventu concrefcere; Nûm ea causa habenda est quamobrem veteres quidam Philosophi inter quos Hippocrates, aquam ceu humidum rerum omnium principium statuerunt? Quod si ad plantas te convertes magis res patet, semen terræ mandatum halitus ab ea profectis, & tenuissimâ mobilissimâque tum solâ supeditat materiâ, interius exagitationum emollitur & dehiscit, accedit aqua pluvialis, ut variis salium referta generibus sic ad movendam fermentationem aptissima. Hinc lobi explicantur, germinis fibrillæ panduntur, radices prodeunt, folia atrollunt. Hæc fermentationi dubitas esse tribuenda? Vide quanta eorum omnium facultas sit ad promovendam vegetationem apud quæ ampla salis volatilis copia observatur. Idem de animalibus existimato; vel homo ceteris longe antecellens tantulæ rei debet quod nascatur. Muliebri semen ovi naturam præ se ferens quid prodest? nisi virilis accessione fecundetur; quod alio obtineri quam fermentationis nomine cæcus sit qui contemnat. Ecquid enim eam in muliebri femine virile non moveat quod tot venæ, arteriæ, nervi, vasa lymphatica, glandule spirituosum, spumolum & fermenti validissimum undequaque insignibus splendidissimis quasi delibatum suppediant. Hujus itaque appulsi feminis materni particule motu intestino exagitate, explicant se, tamulantur, tandiuque dimitant dum hominis tandem aliqua primùm species prius latitans exponatur, ab eadem postmodum à quâ originem duxit fermentatione incrementum ultimamque perfectionem adeptura. Ad hæc qui seriò attenderit, contumax sibi ignoratâ motus hujus intestini naturâ ad accuratam humane nature cognitionem aut pervenisse se contendat aut speret unquam usquam perveniturum.

QUODCUNQUE in humano corpore obitur munus fermentationis virtute absolvitur, coctiones procurat omnes, liquores quosque nativo caractere exornat, excernit superflua: ut se habet, vel nature vocis consentiens, vel ab iis aberrans, aut sanitate servat integram aut morbum accerit, vel sub utroque casu eadem singularum partium configuratione & structura remanent; ut hæc causæ sine qua stare non possumus, fermentatio efficientis & primariæ merito rationem obtineat. Et certe quid referret ad Chylorum interiore ventriculi unicam totuplici glandularum serie esse oppletam; quæ ei incumbit, fibris omniæ musculorum vices sustinentibus esse intertextam, venarum, arteriarum, nervorum, vasorum lymphaticorum fûculos innumerabiles per totam ejus substantiam dispersi, si cessaret fermentatio vel perpetam & vitiosè obirent? Quin ipse chylus per venas arteriales distributus minime naturam mutaret suam nisi veterascens cui admiscetur sanguis fermenti ei officium largiretur. Idem est de reliquis fucis huc illucve impulsis judicium. Frustrâ hic ad calorem nullius apud nos imò nec alibi uspiam efficacie confugeris: nisi caloris nomine non nudam, quod perique tamen fere omnes faciunt, qualitatem intellexeris, sed materie particulas ita & figuratas & fermentatione exagitatas ut ad eas adnota manus sensationem experiarum qualem caloris denominatione vulgo notatam, rei ipsi quæ tangitur ineptissime attributam. Has mihi crede omite nariâs, his delinquentis abstine. Si veram Philosophi & studii nature indagatoris personam sustinere ac defendere velis, consule fermentationem, eâ detectâ naturam tibi hujus mundi universam atque hominis singularem representabit, nihil te in vegetabilibus, nihil latebit in animalibus, eorum ortis, durationis, interitûs causas dignoscis; Putrefactionum omnium, dissolutionum, precipitationum, conglutationum deteges originem, verbo dicam hominis quoque natura evadet perspicua nullâ unquam usquam aliâ ratione penitus detegenda.

Ergo qui fermentationis, ille & hominis Naturam nescit.

DOMINI DOCTORES DISPUTATURI.

M. Franciscus Faustus Alliot.
M. Joannes-Baptista Dodars.
M. Philippus Douté.

M. Amandus Douté.
M. Franciscus Goulet.
M. Nicolaus Brunel de la Carrière.



M. Petrus Cressé.
M. Alexander Michael Denysau, Professor Regius.
M. Claudius de Frades.

Proponebat Patifis ANDREAS CRESSE', Patifinus, Baccalaureus Medicus. A. R. S. H. 1694.